

**V E N D I M**  
**Nr. 288, datë 27.6.2002**

**PËR PËRCAKTIMIN DHE MARRJEN E MASAVE KUNDËR ZJARRIT DHE SHPËTIMIN  
NË OBJEKTET ME RËNDËSI EKONOMIKE DHE SHTETËRORE**

Në mbështetje të pikës 2 të nenit 100 të Kushtetutës, të pikave 1 e 6 të nenit 4, të neneve 6 dhe 41 të ligjit nr.8766, datë 5.4.2001 “Për mbrojtjen nga zjarri dhe shpëtimin”, me propozimin e Ministrit të Pushtetit Vendor dhe Decentralizimit, Këshilli i Ministrave

**V E N D O S I:**

1. Përcaktimin si vepra me rëndësi ekonomike në shkallë vendi, të objekteve, sipas listës në lidhjen nr.1, e cila i bashkëlidhet këtij vendimi.

2. Vendosjen dhe krijimin e stacioneve të mbrojtjes kundër zjarrit dhe shpëtimit, të gatishmërisë së përhershme, në këto objekte të cilat të jenë në përbërje e limit organik të institucioneve, që i administrojnë ose i kanë në pronësi.

3. Shpenzimet financiare për ngritjen dhe funksionimin e këtyre stacioneve zjarrfikëse, ku përfshihen shpenzimet për investime, shpenzimet administrative, fondi i pagave, pajisja materialo-teknike, sipas normave teknike, blerja e automjeteve zjarrfikëse, të përballohen nga të ardhurat që realizojnë subjektet, të cilat kanë në pronësi këto objekte.

4. Institucionet me rëndësi shtetërore, sipas listës në lidhjen nr.2, e cila i bashkëlidhet këtij vendimi, të plotësojnë objektet e tyre me teknikë e pajisje, me sisteme sinjalizimi, sisteme stacionare të parandalimit, mbrojtjes dhe shuarjes së zjarrit, me hidrante zjarrfikëse dhe me mjete e pajisje të tjera shpëtimi, brenda tremujorit të tretë të vitit 2002.

5. Në këto institucione të vendoset inspektor profilaksie, i cili të jetë përgjegjës për të gjitha masat profilaktike kundër zjarrit, për njohjen dhe përdorimin e pajisjeve zjarrfikëse dhe të mbajë në gatishmëri të gjithë teknikën dhe pajisjet zjarrfikëse që gjenden në objekt.

6. Subjektet që kanë në administrim objektet sipas lidhjes nr.3, e cila i bashkëlidhet këtij vendimi, të marrin masa parandaluese dhe ndërhyrëse kundër zjarrit, duke i pajisur ato me teknikë e pajisje, me sisteme sinjalizimi, sisteme stacionare të parandalimit, mbrojtjes dhe shuarjes së zjarrit, me hidrante zjarrfikëse dhe me mjetet e pajisjet e tjera të shpëtimit.

7. Drejtimi metodik dhe kualifikimi profesional i personelit të stacioneve zjarrfikëse të objekteve me rëndësi ekonomike, të kryhet nga Drejtoria e Policisë së Mbrojtjes nga Zjarri dhe Shpëtimit dhe shefat e qarqeve ku ato janë të vendosur.

8. Trajnimi dhe certifikimi i inspektorëve të profilaksisë në objektet me rëndësi shtetërore të kryhet nga shefat e Policisë së Mbrojtjes nga Zjarri dhe Shpëtimit dhe prefektët e qarqeve, sipas një programi të miratuar nga drejtoria e lartpërmendur.

9. Ngarkohen Ministria e Pushtetit Vendor dhe Decentralizimit, prefektët, ministratë dhe institucionet e tjera qendrore, subjektet me rëndësi shtetërore dhe ekonomike, private apo shtetërore, sipas përcaktimeve të këtij vendimi, të marrin masat e nevojshme për zbatimin dhe ngritjen e strukturave të PMNZSH-së.

Ky vendim hyn në fuqi pas botimit në Fletoren Zyrtare.

**KRYEMINISTRI**  
**Pandeli Majko**

**LIDHJA NR.1**  
**LISTA E OBJEKTEVE ME RËNDËSI EKONOMIKE**

1. Porti detar, Vlorë
2. Porti detar, Durrës
3. Porti detar, Shëngjin
4. Porti detar, Sarandë

5. Aeroporti Ndërkombëtar, Rinas
6. KPTHN, Ballsh
7. Uzina e Plehrave Azotike, Fier
8. TEC-Rrafineri, Fier
9. Rezervat e Shtetit, ku ndodhen mbi 4 (katër) depo masive
10. Depot e ruajtjes dhe të shpërndarjes së naftës dhe nënprodukteve të saj me shumicë mbi 3000 m<sup>3</sup>
11. Stacionet e ruajtjes dhe mbushjes së gazit të lëngshëm me mbi 200 m<sup>3</sup> gaz të lëngshëm
12. Hidrocentrali i Komanit
13. Hidrocentrali i Fierzës
14. Hidrocentrali i Banjës
15. Hidrocentrali i Vaut të Dejës
16. Hidrocentrali "Bistrica 2"
18. Hidrocentrali i Ulzës
19. Hidrocentrali i Shkopetit
20. Hidrocentrali i Lanabregasit, Tiranë
21. Hidrocentrali i Bogovës, Berat
22. Hidrocentrali i Gjançit, Korçë
23. Superstrada
24. Parku Kombëtar i Tiranës
25. Paraqet Kombëtare, me masive pyjore, si Dajti, Lura, Llogaraja, Divjaka etj.

## LIDHJA NR.2 LISTA E OBJEKTEVE ME RËNDËSI SHTETËRORE

1. Godina e Kuvendit të Republikës së Shqipërisë
2. Godina e Presidencës
3. Godina e Kryeministrit
4. Godinat e ministrive
5. Godinat e gjykatave të të gjitha niveleve
6. Godinat e prokurorive të të gjitha niveleve
7. Godina e SHIK-ut
8. Godina e Radio-Televizionit Shqiptar
9. Godina e Bankës së Shqipërisë dhe degët e saj
10. Godina e Arkivit Qendror
11. Godina e ATSH-së
12. Godina e zyrës së regjistrimit të pasurive të paluajtshme
13. Godina e Pallatit të Kongresve
14. Teatri Kombëtar
15. Godina e Teatrit të Operas dhe Baletit
16. Godina e Bibliotekës Kombëtare dhe degët e saj
17. Godina e Muzeut Historik Kombëtar
18. Godina e Bankës së Kursimeve dhe degët e saj
19. Godinat e bankave të tjera, të huaja, që zhvillojnë veprimtari në vendin tonë
20. Godina e Arkivit të Filmit
21. Qytetet dhe lagjet muze
22. Spitalet
23. Fabrikat e miellit
24. Fabrikat e prodhimeve të kimikateve
25. Të gjitha objektet që kanë në shfrytëzim persona juridikë për prodhime dhe magazinime

## LIDHJA NR.3 OBJEKTET SOCIAL-KULTURORE DHE OBJEKTE ME RËNDËSI EKONOMIKE

1. Kinematë dhe objektet kulturore masive

2. Hotelet
3. Magazinat e të gjitha kategorive
4. Pikat e shitjes me pakicë të karburanteve
5. Pikat e shitjes me pakicë të gazit të lëngshëm
6. Magazinat e të gjitha kategorive
7. Fabrikat dhe linjat e prodhimit të të gjitha kategorive